

## 2 Jon

### Naoa itəm tatol kəiu lan itəm Jon təməte Nəghatən əkuəkir rəha naoa u 2 Jon

**?Pah təməte naoa u?** Aposol Jon təməte naoa u.

**?Təməte tatuwin kəm pah?** Təməte tatuwin kəm pətan kit rəha niməfak. Məto okəm-naka nəghatən u “pətan,” nıpətin təmə niməfak kit. Kən “nenətin min,” ilat netəmim rəha niməfak. Jon təməte nəghatən min əh, tahmen e nəghatən kit tatəhluaig. Təsolkəikeən məmə otən-iarəp nərgin məto-inu, kol mətan netəmim neen kotal nolən rat elat.

**?Nəmegəhən tahro nulan nian təməte?** E nian əh, iəgətun min tepət kotaliwək e ikin pisin pisin min. Netəmim itəm kəmotəto nəghatən rəhalat kinotos-ipən nagwənən kəm ilat. Kən motos-ipən ikin min rəha napilən, kən motasitu elat. Məto iəgətun eiuə min koatuwin ənnapin min o niuw-rəkisən netəmim rəha niməfak məmə okotapəs nəghatən pahrien.

**?Təməte naoa u o naka?** Nian iəgətun eiuə min kotuwa, Jon təmə netəmim itəm kota-hatətə e nəghatən pahrien rəha Uhgın, okotəkəike kapəs iəgətun eiuə min əh, kən motapəs nolən ne nəgətunən rəhalat, kən məsotasituən elat. Məto Jon tolkeike məmə netəmim rəha niməfak okotəkəike kolkeike netəmim rəha niməfak. Inu nalpəkəuən rəha Uhgın.

*Nətuounən*

<sup>1</sup> Naoa u rəha elta tatuwin kəm pətan Uhgın təmitəpun\* ne nenətin mın. Nıpahrienən məmə iakolkeike pik itəmat. Məto sənəmə io pısın əm iakolkeike itəmat, məto netəm mın un rafın itəm kotıtun mın nıpahrienən,† kotolkeike itəmat. <sup>2</sup> Kən ekotolkeike itəmat, məto-inun o nıpahrienən itəm tətətig e nıkitat‡ kən otatıg lılın e nıkitat.

<sup>3</sup> Pəs Tata Uhgın ne Nətin İesu Kristo okuawte-in rəhalau nəwırən, ne nasəkitunən, ne nəməlinuən kəm kitat e nıpahrienən ne nolkeikeən.

*Kitat okotətu-pən nəghatən pahrien mın*

<sup>4</sup> Nıkkik təmagien asol nian eməplan nenətim mın neen kotaliwək e suatıp rəha nıpahrienən,§ tahmen əm məmə inun, Tata Uhgın təmən mihın kəm kitat məmə kotəkəike kol. <sup>5</sup> Kən roiu əh, wınık, io esəteən nəghatən wi kit kəm itəmat, məto itəm əm un kınotəto rəkis e nətuounən.\* Kən iakatətapəh məmə okotol əm nolkeikeən kəm kitat mın. <sup>6</sup> Kən nolkeikeən u, nıpətin u nolən nəwıa Uhgın. Kən in tatən məmə kitat okotəike motətəp suatıp rəha nolkeikeən, tahmen əm məmə inun nəmotəto e nətuounən.

<sup>7</sup> Məto-inu iəgətu eiuə mın tepət koatan e nətueintən.† İlat kəsotahatətəən məmə İesu in Kristo itəm Uhgın təmən məmə otahl-ıpa,‡ in təmuwa etəmim pahrien, e nıpətin pahrien.§ Etəm tol nəhlan in ieiua kən in tikımır rəha Kristo.\* <sup>8</sup> Tol nəhlan, oatəto itəmat məmə okəsətətipən nətuəən

---

\* **1:1:** 1 Pita 5:13 † **1:1:** Jon 8:32 ‡ **1:2:** Jon 14:17 § **1:4:** 3 Jon 1:3,4 \* **1:5:** 1 Jon 2:7 † **1:7:** 1 Jon 4:1 ‡ **1:7:** 1 Jon 2:22; 4:2,3 § **1:7:** Jon 1:14 \* **1:7:** 1 Jon 2:18

rəhatəmat, pəs itəmat onəkotos nətouən rafin lan, məto-inun itimat emotol pik wək etəmat.†  
 9 Okəmə etəm tatətu-pən atip əm nəgətunən kit rəhan e nəgətunən rəha Kristo, kən məsatəkəikeən e nəgətunən rəha Kristo,‡ nolən rəhan tatəgətun məmə Uhgın təsatigən e nikin. Məto etənim pah itəm tatəper-ipən əskasik e nəgətunən rəha Kristo, in tatos Tata Uhgın ne Nətın ilau kərən e nikin.§  
 10 Okəmə suah kit tuwa ron ik, kən məsənən nəgətunən ətuatip rəha Kristo, asitən in muwın imam ikin, məsənən “təwir” kəm in.\* 11 Məto-inu etəm tatən “təwir” kəm in, tətəsitə lan matol suatip o rəhan nəgətunən rat.†

### *Namnun nəghatən*

12 İatos nəghatən tēpət məmə ekəte kəm itəmat, məto esolkeikeən məmə ekəte e mapepe ne pen. Məto nīkik tatəht pik mə ekuwa mətag itəmat kən məghat ətuatip kəm itəmat e niganəmtitəmat, pəs nāgienən rəhatat otərioah.‡

13 Nenəti piam§ itəm Uhgın təmītəpun, ilat koatən təwir kəm ik.

---

† **1:8:** 1 Kor 3:8; Hip 10:35,36; 11:26 ‡ **1:9:** Jon 8:31 § **1:9:** 1 Jon 2:23 \* **1:10:** Rom 16:17 † **1:11:** 1 Tim 5:22 ‡ **1:12:** Jon 3:29 § **1:13:** Pia pətan əh in nīməfak kit mın, Jon in tətətig ikin əh. Kən nenəti pian u, ilat nımanin rəha nīməfak əh.

**North Tanna New Testament**  
**The New Testament in the North Tanna Language of**  
**Vanuatu**  
**Le Nouveau Testament dans la langue du Nord Tanna**  
**de Vanuatu**

copyright © 2010 Wycliffe Bible Translators, Inc.

Language: North Tanna

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 22 Feb 2024 from source files dated 31 Aug 2023

46e9a2b5-26b8-5301-a079-623f3a20ef8b